

րում էին նաև այլ վասալական պարտավորություններ և պաշտոններ: Նախքան դրան անցնելը, հարկավոր է պատասխանել այն հարցին, թե արդյո՞ք Կիլիկիայում գոյություն են ունեցել ասպետական կարգեր, իսկ եթե գոյություն չեն ունեցել՝ ապա ի՞նչ կարգով են հանդես եկել: Հեռաբերքի է նաև ասպետների օժման կարգը: Այսպես, մատենագրական արխիվները մի շարք վկայություններ են հաղորդում թագավորի կամ բերդատեր իշխանների որդիների և նրանց ազատներին ձիավորի կամ ասպետի կոչում շնորհելու ծիսակատարության մասին: «Ձիավորեցուցանելու» կամ ասպետ ձեռնադրելու ծիսակատարությունները, ինչպես Արևմտյան Եվրոպայում, այնպես էլ Կիլիկիայում, զուգադիպում և կատարվում էին՝ որևէ մի նշանավոր դեպքի ժամանակ կամ դրա առթիվ: Այդպիսի դեպքեր էին՝ հաղթանակած ձակատամարտին հաջորդող տոնախմբությունները, ջրօրհնների կամ թե թագավորի օժումը, թագածառանգի ծննդյան կամ մկրտության հանդեսները և այլն: Թե ինչ արտաքին տեսք և բովանդակություն է ունեցել «ձիավորացուցանելու» ծիսակատարությունը, այդ մասին աղբյուրներում պահպանվել են շատ քիչ տեղեկություններ, որոնցից երևում է, որ Կիլիկիայում «ձիավորացուցանելու» ծիսակատարությունները, ինչպես Եվրոպայում, ընդունել են բարդ ձևեր, որտեղ, ըստ Մելգոնի, կատարվում էին պալատական և եկեղեցական հանդեսներ: Առաջին դեպքում տոնահանդեսներ էին կատարվում ասպետի ձեռնադրման առթիվ, իսկ եկեղեցականի ժամանակ տեղի էր ունենում զոհաբերություն և հոգևոր պատարագ: Օրինակ, 1284 թ. Լեոն Գ-ը Աստվածահայտության տոնին «ձիավորեցուցանում» է իր երկու որդիներին՝ Քորոսին և Հեթումին, նրանց թվում «և այլ մանկունք իշխանաց և արք յարքունական և սպասաորաց յորում հանդիսի ներկա զոլով Յովհաննէս Երզնկացի խոսեցաւ երկար ճառ Ամենայն աձն որ ընդ իշխանութեամբ» խորագրով<sup>65</sup>:

Վերևում հիշատակված «մանկունքի» տարիքը չէր անցնում 11-ից 18 տարեկան հասակը, թեև «Անտիոքի Ասսիզներում» ասված է, որ «ձիավորեցուցանելու» հասակը 15 տարին է, սակայն պարոնը կարող էր խախտել այդ տարիքը, եթե ինքը ցանկանար. «Եւ ըզորդ հասակն տասն հինգ տարին է, և ձիաւորութիւն, զի առանց ձիաւորութեան չկա հասակ և պարոն կարէ կաննուլցնել զհասակն շորս հինգ տարի, ընդ ներքո է, քանի ուղենա»<sup>66</sup>:

Կիլիկիայում «ձիավորեցուցանելու» տարիքը հաճախ խախտվում էր: Այսպես, 1259 թ. ձիավորության աստիճանը ստացող Հեթում Ա-ի որդու Քորոսի տարիքը 20-ից անց էր<sup>67</sup>: Իսկ 1284 թվին ձիավորության աստիճանը ստացող Լեոն Գ-ի որդի Քորոսը 14 տարեկան էր, Հեթումը՝ 18<sup>68</sup>:

Թեև աղբյուրները քիչ են խոսում «ձիավորեցուցանելու» ծիսակատարությունների բովանդակության մասին, սակայն զովասանքով են խոսում ձիավորների հմուտ ձիավարժության մասին: Այսպես, Վիլհերմանդա Օլդենբուրգցին 1211 թվականին Սիսում տեղի ունեցած Ջրօրհնների արարողա-ծիսակատարության նկարագրության մեջ գրում է. «Իսկ թագաւորն և զօրականք ի դաշտ անդր դիմէին, և պալատակապ երիվարօքն արշավակի վազս առեալ

65 Ղ. Ալիշան, Սիսում, էջ 483—484:

66 Assises d'Antioche, Trad. L'Alishan, 1876, p. 18.

67 Ղ. Ալիշան, Սիսում, էջ 480—482:

68 Նույն տեղում, էջ 484: